



SURUHANJAYA PILIHAN RAYA MALAYSIA  
**KENYATAAN MEDIA**

**Bil. 6 / 2024**

**URUSAN PILIHAN RAYA KECIL  
DEWAN NEGERI N.06 KUALA KUBU BAHARU,  
SELANGOR**

1. Suruhanjaya Pilihan Raya Malaysia (SPR) telah menerima pemakluman rasmi daripada **Y.B. Tuan Lau Weng San, Speaker Dewan Negeri Selangor**, berhubung dengan kekosongan luar jangka kerusi **Dewan Negeri N.06 Kuala Kubu Baharu, Selangor**.
2. Sehubungan itu, SPR telah mengadakan Mesyuarat Khas pada hari ini, **4 April 2024 (Khamis)** dan memutuskan satu **Pilihan Raya Kecil (PRK) Dewan Negeri N.06 Kuala Kubu Baharu, Selangor** hendaklah diadakan bagi mengisi kekosongan kerusi tersebut.
3. Bagi maksud menjalankan PRK Dewan Negeri N.06 Kuala Kubu Baharu, Selangor SPR telah menetapkan tarikh-tarikh penting seperti berikut:

<b>Tarikh Writ</b>	<b>:</b>	<b>4 April 2024 (Khamis)</b>
<b>Hari Penamaan Calon</b>	<b>:</b>	<b>27 April 2024 (Sabtu)</b>
<b>Hari Undi Awal</b>	<b>:</b>	<b>7 Mei 2024 (Selasa)</b>
<b>Hari Mengundi</b>	<b>:</b>	<b>11 Mei 2024 (Sabtu)</b>

4. Tempoh berkempen ditetapkan **14 hari** bermula selepas pengisytiharan calon-calon yang bertanding pada **27 April 2024 (Sabtu)** sehingga pukul **11.59 malam, 10 Mei 2024 (Jumaat)**.
5. Urusan permohonan semua kategori undi pos luar negara dan dalam negara bagi PRK Dewan Negeri N.06 Kuala Kubu Baharu, Selangor dibuka bermula dari hari ini, **4 April 2024 (Khamis)**. Manakala tarikh tutup permohonan adalah seperti berikut:

<b>Bil.</b>	<b>Kategori</b>	<b>Tarikh Tutup</b>
1	<b>1A</b> (Petugas Pilihan Raya, Ahli/Pegawai SPR, Anggota Polis, Anggota Tentera, dan Petugas Media)	<b>26 April 2024 (Jumaat)</b>
2	<b>1B</b> (warganegara Malaysia yang berada di luar negara)	<b>15 April 2024 (Isnin)</b>
3	<b>1C</b> (Agensi / Organisasi)	<b>18 April 2024 (Khamis)</b>

6. **Permohonan undi pos adalah secara dalam talian (online)**. Maklumat lanjut dan panduan permohonan undi pos boleh dirujuk melalui **Portal SPR, [www.spr.gov.my](http://www.spr.gov.my)**.
7. Bagi menjalankan proses PRK Dewan Negeri N.06 Kuala Kubu Baharu, Selangor SPR telah melantik **jumlah seorang (1) Pegawai Pengurus Pilihan Raya** dibantu oleh **jumlah tiga (3) orang Penolong Pegawai Pengurus**. Manakala bagi tujuan memantau aktiviti kempen pilihan raya sepanjang tempoh rasmi berkempen, SPR akan menubuhkan **dua (2) Pasukan Penguat**

**Kuasa Kempen Pilihan Raya (PP-KPR)** yang turut dianggotai oleh wakil-wakil daripada pihak Polis Diraja Malaysia (PDRM), Pihak Berkuasa Tempatan (PBT) dan wakil-wakil calon yang bertanding.

8. Bagi maksud PRK Dewan Negeri N.06 Kuala Kubu Baharu, Selangor, **Pusat Penamaan Calon (PPC)** dan **Pusat Penjumlahan Rasmi Undi (PPRU)** yang digunakan adalah di **Dewan Serbaguna dan Komplek Sukan Daerah Hulu Selangor.**
9. Seramai **760 orang petugas** akan dilantik bagi mengendalikan proses PRK Dewan Negeri N.06 Kuala Kubu Baharu, Selangor. Manakala, sebanyak **18 buah pusat mengundi biasa** yang mengandungi **74 tempat mengundi/saluran** dan **dua (2) pusat mengundi awal yang mengandungi tiga (3) tempat mengundi/saluran awal** akan digunakan. Keseluruhan jumlah pusat mengundi adalah sebanyak **20 buah dengan 77 tempat mengundi/saluran.** PRK Dewan Negeri N.06 Kuala Kubu Baharu, Selangor memerlukan peruntukan sebanyak **RM2.5 juta.**
10. Daftar Pemilih Pilihan Raya (DPPR) yang akan digunakan untuk PRK Dewan Negeri N.06 Kuala Kubu Baharu, Selangor adalah **daftar pemilih terkini sehingga Daftar Pemilih Tambahan Bulan Februari 2024 yang dikemaskini sehingga 25 Mac 2024.** DPPR ini mengandungi seramai **40,226 orang pemilih yang terdiri daripada 39,362 orang pengundi biasa, 238 orang tentera dan pasangan, 625 orang polis dan seorang pengundi tidak hadir (PTH) luar negara.** DPPR bagi PRK Dewan Negeri N.06 Kuala Kubu Baharu, Selangor akan mula dijual pada **22 April 2024 (Isnin).**

11. Para pengundi boleh membuat **semakan maklumat** pengundian untuk mengetahui maklumat **pusat mengundi, saluran mengundi dan nombor bilangan** mereka melalui portal semakan di pautan **<https://mysprsemak.spr.gov.my>** atau hubungi **Hotline SPR di talian 03-8892 7218** atau melalui **aplikasi MySPR Semak**. Semakan maklumat pengundian akan **dibuka pada 22 April 2024 (Isnin)**.
12. Untuk memudahkan proses penamaan calon, SPR menyeru kepada bakal-bakal calon yang ingin bertanding dalam PRK Dewan Negeri N.06 Kuala Kubu Baharu, Selangor, agar mengisi dan membuat semakan awal pengisian borang tersebut dengan Pejabat Pegawai Pengurus atau Pejabat Pilihan Raya Negeri Selangor sebelum Hari Penamaan Calon. Selain itu, bakal-bakal calon juga adalah digalakkan untuk membuat pembayaran deposit lebih awal. Ini bertujuan untuk memastikan semua proses penamaan calon dapat diselesaikan lebih awal dan berjalan lancar.
13. Walau bagaimanapun, adalah diingatkan bahawa Kertas Penamaan Calon yang telah lengkap diisi dan disemak oleh Pejabat Pegawai Pengurus itu hendaklah dikemukakan oleh calon atau penyokong atau pencadangnya semasa Hari Penamaan Calon di PPC yang telah ditetapkan oleh SPR.
14. Pada PRK ini juga, SPR turut menawarkan kepada **mana-mana agensi Kerajaan, Pertubuhan Bukan Kerajaan (NGO) atau badan yang berminat** untuk menjadi **pemerhati pilihan raya**

dalam melihat perjalanan **proses PRK** ini bermula dari **hari penamaan calon sehingga keputusan pilihan raya diumumkan**. Mereka dibenarkan untuk membuat pemerhatian seperti **di pusat penamaan calon, pusat mengundi, tempat pengiraan undi dan pusat penjumlahan rasmi undi** serta perlu mematuhi kesemua syarat-syarat pelantikan yang telah ditetapkan.

15. **Maklumat lanjut dan borang permohonan** untuk pemerhati boleh diperolehi daripada **Portal SPR [www.spr.gov.my](http://www.spr.gov.my) mulai hari ini, 4 April 2024 (Khamis) dan tarikh tutup permohonan pada 17 April 2024 (Rabu)**.
16. SPR akan meneruskan penyiaran secara langsung proses-proses pilihan raya menerusi *live streaming* bagi Pusat/Saluran Mengundi yang terpilih di laman *Facebook* SPR sebagaimana yang dilaksanakan pada pilihan raya sebelum ini.
17. Bagi menggalakkan pengundi supaya keluar menunaikan tanggungjawab mereka pada hari mengundi, SPR akan melaksanakan kempen `**Jom Kita Undi**` melalui pelbagai saluran media termasuk di media elektronik, media sosial, hebahan melalui siar raya dan pemasangan kain rentang di lokasi-lokasi strategik tumpuan awam dan tempat-tempat lain yang bersesuaian.

Sekian dan terima kasih.

**TAN SRI ABDUL GHANI SALLEH**

Pengerusi

Suruhanjaya Pilihan Raya Malaysia

4 April 2024 / 24 Ramadan 1445H